

مرکز توزیعی:
باب عالی چاده سنده
(اتحاد تجارت)
کتابخانه سی ایله
(یکی توریه)
مطبعه سی

مجموعه اسلامی

دومی القعه ۳۳۸

اداره خانه سی:
باب عالیده
(یکی توریه)
مطبعه سی فوقنده کی
دائرة مخصوصه

شرائط اشترا :

صاحبی ، مدیری ، محرری :

شرائط تحریر :

هر سنده يك برنجی وایکنجی آلتی آیلغندن اعتباراً آتونه قید اولونور .
سندلکی : اون ایکی نسخه اولوق اوزره پوسته اجریتله برلا
(۱۰۰) ، آلتی آیلغی : (۵۰) غروشدر .
مالک اجنبیه ایچین ۲۰ و ۱۰ غروش علاوه سی لازمدور .



اسلامك نفعنه خدام یازیلرمع التثکریبول ونشر اولونور . یازانك
شخصیتی دکل ، یازانك مادیقی نظر دقته آلتیر . کونده ویله جك آثار
اوقوناقلی ونختصرجه یازیلش اولالیدر . کن یازیلدن شایان قبول
کورولنلر تاویخ صیراسیله دزج ایدلیر .

نسخه سی : ۱ غروشدر

مجموعه سنك پكن سنه لره عائد و پك چوق معلومات مفیده بی حاوی اولان نسخه لری منتظماً
دیکلیمش واوزرلرینه قالین برر قاپاق کچیریلرک مجلد کتاب حاله کتیرلشدور . خیرالانیس
اولاییله جك بو نفیس کتابلردن برنجیسنك موجودی بیتمش ، ۷ - ۱۲ نجی نسخه لری
براکنده اولارق قالمشدر . هر نسخه سی ۱۰ غروشدر .
۳،۲ و ۴ نجی جلدلرک بدلیده پوسته اجریتله برابر یوزر غروشدر . طوغروندن طوغرویه
اداره خانه یه ۲۰۰ غروش کونده ریلدیکی صورتده هراوچ جلدی یوللانیر .

مجله ۱۳۴۸

آئیده محرر کتابلرده

پوسته اجریتله برابر فیثاتی :

محرری :

طاهر المولوی	۱۲،۵	غروش
میلاس مفتیسی صادق افندی	۷۵	»
ملغی تدقیقات شرعیه اعضاسندن عمر نصوحی افندی	۷۵	»
فاتح درسعلمرندن اسکلیلی طاطف افندی	۱۲،۵	»
»	۷،۵	»
»	۱۲،۵	»
»	۲۵	»
احمد نظمی بك	۲۵	»
شیخ الیف افندی	۳۵	»
»	۲۰	»
شیخ غالب	۳۰	»
طاهر المولوی	۳۰	»
»		

حضرت پیغمبر و زمانی
جهاد اکبر
موضح علم کلام درس لری
دین اسلامده منع مسکرات
تستر شرعی
فرنك مقلدکی
نظر اسلامده زنکینلکک موقعی
تنشيط المحبین
الکلمات الجملة
حسن وعشق
نظم واشکال نظم
هند ماضالری

تفسیر، مفسر

تفسیر بالدرایه نمونه‌ری

دردنچی نمونه - (من يعمل سوءً یجزیه)
یعنی « فنانق ایدن هر فرد ، بهمه حال جزاسنی
کورور » . شیمدی شو آیت ، فنانق ایدنلرک
- توبه ایتسه لرده ، ایتسه لرده عفور بانی صورتیه -
مجازات کورمه دن قورتولامایه جقیرنی ناطقندر .
عامدر ، مجملدر ، محتاج تخصیص و ایضاحدر .
بناءً علیه (وما اصابکم من مصیبه فبا کسبت ایدیکم
ويعفو عن کثیر) یعنی « سزدا صابت ایدن فلاکتلر ،
سزک قازاندیغکنر افعالک نتیجه سیدر . اونلردن
برجوغنی جناب حق عفوایدر » . ایشته شو آیت ،
اولکی آیتده کی عمومی تخصیص ایله دی . مجازاتی ،
عفو مقرر اولمایان اعماله قصر ایتدی .

دیمک اولدیکه اولکی آیتده (الا ان یعفو)
قیدی مقدر ایش . حاصلی اوراده کی اطلاق و
تعمیم ، بوراده کی قید ایله تقید و تخصیص اولوندی .
اگر بویله اولمامش اولسه یددی توبه ایدنلرک مظهر
عفو اولاجغنه وعفو الهینک اهل معاصی حقنده
تجلی ایده جکنه دائر اولان آیات ایله اولکی آیت
آراسنده تعارض بولونمق لازم کلیدی . تفسیرک
ایکنجی طبقه سینه عائد وظیفه ، تعارض موهومی
دفع ایله دی .

بشنجی نمونه - (لا تتفع فیها شفاعه ولا خاله)
آیتنده علی الاطلاق خلت و شفاعتک نفی نفی
اولونویور . (الإخلاء یومئذ بعضهم لبعض عدو
الالمتقین) آیتی ده متقیلری نفی خلت عمومندن استثنا
ایدیور و شو صورتله ایکنجی آیت ، اولکی آیتی
(خلت) خصوصنده تفسیر و ایضاح اپلیور .
قالیور شیمدی نفی شفاعت کیفیتیه که اونی ده (من
بعدان یاذن الله لمن یشاء) آیتی استثنایه اوغراتهرق

الانصاری) نک ایکی اوغلی بعثت نبویه دن اول
تنصر ایله مش و سوریه طرفلرنده قالمشدی . بونلر
بعدالهیجره مدینه یه زیتون یاغی کثیرن برخریستیان
کاروانیه کلدیلر . ابوالحصین ، کندیلرینی یاقالادی
و مسلمان اولمالری ایچین زورلادی . رسول اکرمه
مراجعتله عرض کیفیت ایتهلری اوزه رینه ده بو آیت
نزول ایله دی .

۳ - اهل کتاب اولان موسوی و عیسویلر
حقنده نازل اولمشدر که اونلردن جزیه ویرنلر ،
یعنی مسلمانلر اداره سینه تبعیتله ویرکی اعطا ایدنلر ،
دین ده کیشدیرمه یه اجبار اولونمایه جقدی . نیته کیم
بدایه بنی قینقاع ، بنی نضیر ، بنی قریظه کبی
یهودیله ، مؤخرأ نجران جماعت خریستیانیه سینه
بو یولده معامله اولونمش ، اونلر نقض عهد ایتمه یه
کندیلرینه قولاً وفعلاً اصلاً دو قونولماشدی .

ایچمزدن چیقمش بعض یادکارلر وار . بونلر ،
تدقیق و تتبع ایتمکه دکل ، محضا مودایه اویق املیه
مسلمانلغی عصر یلمکه مخالف بولویورلر . حال بو که او
مسلمانلق ، اون اوچ بوجوق عصر اول شو مساعدی
کوسترمش ، ایمان و اعتقادی کرها . ده کیشدیرمه یه
و کیمسه یی جبراً ساحه هدایتنه آلمایه قالمیشماشدی .

بزم بو (بعضی عصر یلر) یا خود (حردوشونجه لیلر)
ایسه دوشوندکلرینک ، یا خود دوشونور کوروندکلرینک
خلافتی اعتقاد ایله ییلردن فکری حریتی نزع ایتمک ،
اونلری ده کندیلری کبی دوشوندورمک ، قیصه جه سی
اینانمایه ایناندرمق ، معنوی قیدلردن چیقاروب
بالنتیجه (دینسزک دینی) نه صوqq ایستیورلر .
شو حالده عجباً بزم دینزده می اکراه وار ،
یوقسه اونلرک دینسزککنده می ؟

ظاهر المولوی

تفسیر بالدرايه نك در دنجی مرتبه سی

اسباب نزول یار دیمیله وقوع بولان تفسیر لر در که
بر سبب مخصص اوزره رینه نازل اولمش عموم ملک
سبب مزبوری بالتجاوز غیره شمولی حقیقه بین
العلماء اختلاف وارسه ده بعضاً سبب مزبوری تجاوز
ایتمه یهرك بالا جماع حکمک اوکا مقصور اولدینی
واقعدر . ایتمه ارباب تفسیر ، شو حالدن بالاستفاده
فحوای جلیل آیه کسب وقوف ایدر لر . مثال :

(الذین یفرحون بما اتوا) آیت جلیله سیله -
یادینی اعمال و حرکاتدن طولای اظهار سرور و
شادمانی ایدن هر هانکی بر فردک مذمومیتی اعلان
بوور و لویور . شیمدی بونی عموم اوزره ابقایده جک
اولور سه ق ایتمه دیک هر هانکی بر فعل خیر ایله
افتخار و کسب سرور و نشاط ایدن مؤمنک ده اشو
مذمتدن حصه دار اولماسی لازم کلیر . حالبوکه
(المؤمن من سرتة حسنة وسأته سیئته) حدیثه
منافی دوشدیکندن و خیر و طاعاتله سهویمک طابع
وعقولک اقتضاسندن بولوندیغدن آیت مذکوره ده کی
حکم عامک ، سبب نزولی بولونان اهل کتابه انحصار
رینه قائل اولقی ضروری بولونمشدر .

چونکه : اونلر ، فخر عالمی تکذیب و اوکا
قارشی تدلیس و کتمان حق ایله اظهار سرور
ایدر لر دی . سبب نزول شویله در :

فیخر عالم صلی الله علیه و سلم افندیز ، یهوده
توراتدن بعضی شیر صورمش ، اونلرده بر طاقم
یا کلش اخبارات ایله او حضرتی آلداتدقلرینه قائل
اولمش و صورت حقندن کورونهرك یابدقلری شو
حرکته سهوینمشلردی . دیگر بر روایت کوره
غزادن تخلف ایدرک برای اعتذار مصالح اسلامیه
نامنه حکمتلر در میان ایتمشلر و بونکله سهوینمشلردی .
دیمک اولدی که سبب نزول ، آیتک اوزره رندن

ونفی شفاعتک آنجی اذن الهی به مقرون اولمادی
صورتیه منحصر اولدیغنی بیان ایدرک تفسیر و ایضاح
ایتمش اولویور .

ایتمه تفسیر بالدرايه نك ایکنجی مرتبه سی
شولش نمونه ایله کرکی کی توضیح ایله مشدرظننده یز .
اونک ایچوندرکه علمای تفسیر آراسنده آتیده کی
قضیه ضرب مثل کبی شهرت آلمشدر . القرآن
یفسر بعضه بعضاً .

اوچنجی مرتبه تفسیر نبویدر

یعنی مفسر ، تفسیر ایتک ایتمه دیک آیتک
مغزای جلیلی قراندن استیضاح ایدمزه اولیاده کی
تفسیر نبوی به مراجعت ایدر . تفسیر نبوینک مقبولیتی
ایسه هم نص ، هم اجماع ایله ثابتدر .

نص (وما آتاکم الرسول فخذوه وما نهاکم عنه
فانتهوا) آیت جلیله سیله (لتین للناس ما نزل الیهم)
آیت کریمه سیدر . حدیث ده (لایأتی رجل منکم
ینکح علی اریکته یقول لا اعرف الا هذا القرآن ما حله
فقد احلته وما حرّمه فقد احلته الا وانی اوتیت -
القرآن ومثله معه) حدیثیدر .

برده معلومدر که وارثین ایچون وصیتک وجوبی
منصوص ایدی . (لاوصیه لوارث) حدیثی اونی
نسخ ایله دی که بوده اجماعاً ثابتدر . بر فریضه
منصوصه یی نسخ ایدن سنتک تفسیر قرآن خصو -
صنده ده بیان و تخصیص جهتیه مظهر قبول اولاجنی
شبهه سزدر . محتاج و مسانیدده تفسیرات نبویه پک
چوقدر ، حائضه تحریم صلات ، اصحاب سهامک
عصبات اوزره رینه تقدیمی ، اختلاف دینک مانع ارث
اولماتی ، عصباتک اقرب البعدی ، اقواسی اضعفی
اسقاط ایتمه سی و دها سائر هپ تفسیر نبوی
سایه سنده در .

اشکالی قالدیردی ، تفسیر و ایضاحه یاردیم ایتدی . سبب نزول سببیه شو تخصیص . (ولم یلبسوا ایمانهم) آیتده کی عمومی فخر عالم افندیتمزک (ان الشریک لظلم عظیم) آیتی دلیلی ایله مشرکینه تخصیصنه بکیزهر .

دیگر مثال : (والفتنه اشد من القتل) آیتده فتنه ، عمومی اوزره رینه باقی دکلدر . بلکه مسلمینی اغوا و اجبار ایدهرک شرکه ارجاع ایتک فتنه مخصوصه سی مراددرکه حقیقه بونکده قتلدن اشد اولدیغنه شبهه یوقدر . بوکاده قرینه ، سبب نزولدر . چونکه : آیت ، مسلمینی شرکه اعاده ایچون مشرکینک اعمال جبر و شدت و استعمال خیانت ایتملیدر . یوقسه هر فتنه نک علی الاطلاق قتلدن اشد اولماسی هر یرده مسلم دکلدر .

دارالفنون الهیات فاکولته می تفسیر و تارخ تفسیر مدرسی بر عمومی هودت

اخلاق

[دیانت ایشلری رئیسکی هیئت مشاوره اعضاسندن فاضل محترم آقسه کیلی احمد حمدی افندی حضرتلرینک یکی نفر اولونان (اخلاق درسلی) عنوانلی ائردن] اسلامده اخلاق درجه اهمیتنی ایضاح ایتک خصوصنده فرمالتهپناهیدن صدورایدن و انما بعثت لاتمم مکارم الاخلاق = بن آنجق مکارم اخلاقی تماملامق ایچون بعث اولندم ، حدیث شریفی کافیدر اعتقادندهم .

خاتم الانبیا افندیتمز د غایه بعثتم مکارم اخلاقی اتمامدر ، دیدکدن صکره آرتق بو بابده داهاز یاده سوز سوبله منک لازم دکلدر . شو قدرکه خاتم رسالت افندیتمزک شو حدیث شریفلرینک احتوا ایلدیکی حقایق علویه بی بر درجهیه قدر ایضاح ایدر مقصدیه بر قاچ سوز سوبله منک ایستیورم : انسان ایچون بر غایه کمال وارددرکه اونی احرازه

چالیشمق اوزرینه فرضدر . عین زمانده انسان بر چوق نقصانه معروضدر : یوکسهلوب اوکا غلبه ایتملیدر . حالبوکه انسانک مرتبه کماله واصل اولماسی ، امکان مساعده اولدیغی قدر فضیلت قازانماسنده ، اخلاق و طبیعتنی تهذیب ایتمه سنده در . فضائل دیدیکمز شی ایسه روحک بر طاقم سحینه و خویلدیرکه کندیسینه متصف ایکی شخص آراسنده بر آهنگ وفاق حصوله کله سنه وسیله اولور . رذائله کلنجه : اولورده نفوس بشریه عارض اولان بر سورو کیفیات خبیثه درکه کندیلرله ایتصاف ایدن اشخاص آره سنده تفرقه و منازعه حصوله کتیرمک شاننددر . شو حالده انسانه اک یوکسک بر مرتبه سعادت ، اک علوی بر غایه کمال تأمین ایدن ، یاخود اک آشای بر درکده سقوطنه وسيله اولان اونک اخلاقی و طبیعتدر .

شیمندی بر حقیقت اولق اوزره دییه بیلیرکه : مقتضای خلقتلری بر آراده یا شامق مجبوریتنده اولان انسانلرک فضائل اخلاقیه رعایتکار بولو . نملری الزمدر . باشقه صورتله نه بر جمعیت تشکیل ایده بیلیر ، نه ده بر مدنیت تأسیسنه مقتدر اوله بیلیر . چونکه تعریفندن ده آکلاشیلدیغنه کوره هیئت اجتماعیه آراسنده مدار وحدت اولاجق آحاده جمعیت میاننده متین بر عروء اتحاد تشکیل ایدمک اولان یکانه اساس آنجق د فضائل اخلاقیه ، دره فضائل ، بر قومک کافه افرادینه شامل اولورسه هر بری حدیثی بیلهرک ، حقنی طایفه رق دیگرینک حدودینه ، حقوقه اصالتجاوز ایتیه جکی ایچون آرالرنده تعاون طبیعتیه حصول بولور . هر فردک جمعیتده کی موقعی ، اشکالی ، وظائفی مختلف اولقله برابر هبسی بردن بر وجود مشترک بقاسنه ، تأیید قواصنه خدمت ایدن اعضا مثابه . سنده در . بر جمعیتده کی فضائل اخلاقیه ، هر